

隨州志卷二十四

孝義

孝爲百行之原固聖賢終身行之而不盡者也然愚夫愚婦至性所發亦有可與聖賢爭功者至慷慨豪俠然諾千金一事可傳均足不朽也故彙書之

南北朝

雙泰眞南史沈攸之傳泰眞隨人南宋昇明二年沈攸之募勇士召泰眞弗往後至江陵有以告攸之者攸之因留之補隊副已而叛走攸之使甲士二十人追之泰眞

隨州志

卷二十四

孝義

一

遂殺數人餘不敢近欲過家將母不獲而遁於蠻追者虜其母遂窮而自歸攸之嘆曰孝子哉宥之復賜萬錢

且補隊主

通志

元

高可燾隨州人居喪廬墓文宗至順二年以孝行舉詔旌

其門

元史

明

黃鍾鄒信黃珍龔遜趙景周文亮程諫王瑄劉昶熊洪石文富王俊馬仲剛皆遠年奉例出粟賑濟朝廷叙以義

官予冠帶石彥彰劉景隆宮文達諶忠何富皆正統中奉例出穀千石備賑濟有司勞以羊酒免徭役旌爲義民黃誥何敬張源曹旺石淦梁甯張輔程萬鵬王庭忠皆成化中奉例出銀賑濟得官

舊志

趙士選崇正時亂作將奉其父汝芳避賊於城南之峯峩寨中士選先行父於路爲賊所執士選聞之卽返見賊願以身代賊迺釋其父而執士選去至黃州賊營時家有牛亦爲賊掠去士選至營見其牛牛忽垂淚士選亦泣賊問其故始憐而釋之

全上

隨州志

卷二十四

孝義

二

喻於義歲貢生以文行爲鄉黨所推重崇正十年二月流寇陷隨州於義母朱氏老憊不能出賊掩至於義以身庇母賊殺之母守其屍而哭賊感動乃去母因得全人以爲死孝子震生大

國朝以貢爲休甯縣丞震生子怡能詩工書法例授州同時元永平府同知華崇僕也崇少孤貧不能自給元治圃賣蔬以供崇性豪放喜結客出必二三輩共飲飲必醉元攜杖頭以從無吝色家居讀書則供茶膳惟謹若偶廢業則正色責諫不少遜往往至於痛哭崇爲之斂容

謝然後已後崇舉於鄉而元死矣

志舊

凌雲梁氏僕梁天培之徇國難也子宗極甫七齡隨母賀氏扶其祖母喻以出匿郊野越二日生次子申極賀慮嬰兒爲姑累遂棄之凌雲旣於鋒刃中求得天培尸復往求申極見申極卧叢棘中肌膚糜亂爲蟲蟻所攢食幸未死抱歸令其婦簡氏視之簡故目昏以舌舐其身知荆棘所在拔以齒始得全申極後以鄉舉仕爲助教終身德之至今梁氏猶祀凌雲夫婦云

國朝

隨州志

卷二十四

孝義

三

劉啟龍年十七母陶氏病偶思食肉家貧急無以供啟龍念母病且殆恐旦夕死則終身不得肉食遂自割股肉以進母病繼愈後壽至八旬啟龍至老色養不衰

全上

黃國柱字小樓其先無錫人性孝友父歿析產盡以腴地與弟而自耕瘠土數年遂能自立尤慷慨好義於鄉里之貧乏者客之遠來者無不厚卹之明末歲屢饑民家農器皆弗具國柱乃多鑄鉏鎛市耕牛以廣給之以此遂罄其貲繼而益困至寄食於人爲所逐乃自刻苦稍稍稱貸爲生計不數年復富益以豪俠自任所施益博

貧民之仰而待給者連數邑或有冤抑必爲直之故守令事亦倚以辦卒之日民巷哭者戶相聞也四方之士來會喪者至數千人

汪恂字主一天性孝友工詩文童年卽見重於知州黃鎮州試置第二使入見其母母亦廉知其孝會試學使者未售曰烏可使孝子不列宮牆因給以讀書資恂益攻苦遂獲雋鎮延爲子師父母病侍湯藥衣不解帶者二年有餘後父母相繼歿以毀瘠卒弟惺亦讀書自好與恂俱工書法人稱二汪

隨州志

卷二十四

孝義

四

劉之緒貧士也會除夕往貸壻家中途拾銀三十兩念窶人歲晚需此孔亟失之者禍且不測遂立而俟久之見一人惶遽來奔四顧大哭問之卽失銀者詢其數與所拾正合立還之子景顯之緒卒時顯尙幼景撫育之至成人延師課讀顯亦善體兄志敦行勵學後中乙酉科鄉試辛卯揀選知縣景性好善凡族戚中貧苦孤危者每極力調恤歲凶減米價遇水火災多方救濟獨力修泮宮及道路歲遣人培荒郊野塚又置義塚收掩暴露枯骨無數

龔京山貧民也雍正八年有嘉魚民途出隨州遺銀爲京山所得追而還之州人公贈以超出塵表額

歐陽正文本蕭姓鄰人歐陽霞彩撫爲子甫三歲而霞彩死其妻歐氏守節撫正文以長歐氏病正文割股肉和藥以進病遂愈越十年復病正文再割股前知州黃鵬書孝思可嘉匾以表之後年八十餘

蕭倫公五世同居一門肅穆閭里稱之無閒言

王文燦五世同居共食者八十餘人人無私蓄無私作飲食者羣處和集爲時所稱

隨州志

卷二十四

孝義

五

張作舟以傭自食居臨大道夜半聞門外有聲命其子天佑出視見一騾橐載纍然乃收之逮旦牽騾出詢失主至廟潭鋪知爲山西賈客所遺也客解橐出視所有銀七十兩錢六千分其半以爲謝作舟父子義不肯受王愷性至孝年十五繼母陳氏久病與其兄文林侍左右奉湯藥弗息愷憂湯罔效因念昔人多有割股肉愈親疾者卽潛自割股成羹以進母病良已然終不自言旣而母疑其盛暑不袒衣復窺見其臂創遂窮詰之始得其故於是聞於州知州金嶒書孝以愚敦四字表其門

呂伯莊字式端州庠生端謹不苟訾笑勇於爲義族黨困乏者靡不周恤孫紹尙能繼其志有聲庠序

儲崇彝字敦五性至孝年十四喪母哀毀骨立事繼母如所生父沒弟幼崇彝撫養以成授之腴產自取礲瘠者二子長青銓監生次青選生員世敦孝友青銓常得危疾青選他出聞之夜半馳歸遇疾雷震電大雨如注昏冥不可乘馬徒步涉山溪值水暴漲抱浮木以渡抵家青銓昏不知人青選號泣跪雷雨中祝請身代而疾遽起青選子嘉珩得寒疾青銓禱天請以己子代殤人兩

隨州志

卷二十四

孝義

六

難之

生員孫應科值年饑捐穀千石貯社倉州牧沈賜義周同類額孫監生敷賁承父遺命捐田六石充書院膏火州牧莫詳撫軍陳給三世孝義額以旌其門

徐之華精醫理刲股愈繼母陳氏疾知州陶紹侃獎以至性過人額

敖成德康熙閒人父大時母何氏生六子德居季父卒德事母顏氏益孝謹兄弟析爨輪養母母戀德孝意不欲他臨德喻母意謂母曰幸依膝下稍伸報本之心不忍

母少離惟在兒家撫孫可乎母大喜以後湯藥死葬德  
獨身任之不與諸兄較其子志學亦善繼父志敦宗厚  
族和睦鄉里好善樂施如不及嘉慶二年教匪至其鄉  
適值成德新喪未及葬志學撫棺哀號不忍去賊感歎  
不忍加害一門之中孝友相繼咸豐十年巡撫胡題  
旌

馬文珍傭工自給母何氏瞽而癱輾轉牀褥文珍每晨爲  
母飯畢出傭亭午不能歸飯其母已卽含淚不食乾隆  
乙巳歲大饑無工可傭遂餓死死後甕中猶有賸米人

隨州志

卷二十四

孝義

七

始知文珍之儲以餉母者也道光六年學政王獎以孝  
徇西山額咸豐十年巡撫胡題 旌

李輝王乾隆時人其父卒時輝玉方週歲稍長其兄蕩檢  
無行母命分爨輝玉泣止之兄歿後事嫂甚恭撫猶子  
如己子後其母患瘋症輝玉與其妻日夕伺左右湯藥  
不假他人手戚鄰豔稱焉咸豐十年巡撫胡題 旌

鄭朝相其祖宏忠父士偉均早故祖母王氏母唐氏孤寡  
零丁族有橫强者欲稼其母祖母懼安置朝相母子於  
外家朝相至性天成年方七歲謂母曰祖母年邁胡不

歸歸後服侍祖母儼若成人既冠授室率其妻曲事重  
慈益盡孝養咸豐十年巡撫胡題 旌

祝大常父早故事母曲盡孝養雖進菽水必侍立出告返  
命冬溫夏清終身不倦嘉慶閒知州張詳請大憲書孝  
行可風表其門

吳安遇年二十五歲喪妻魏氏誓不再娶子邦俊甫四齡  
安遇撫育成立訓以義方學政施獎以宗聖遺風額  
金文榜好施捨高城河漲架橋濟人捐絮衣藥材棺木以  
周疾困賑饑育嬰和睦鄰里有輕財慕義之風

隨州志

卷二十四

孝義

八

德貴童珂伯之僕也珂伯卒遺子正倫僅三歲抱食疾德  
貴調護醫治有仇家潛入其室以石狙擊正倫欲斃之  
德貴以身冒石正倫得不死自是防衛益密代理家務  
始終不貳輔諭正倫至於成人童氏宗祀藉以不墜德  
貴卒正倫葬之祖塋

按以上三名咸豐十年均經巡撫胡題 旌

咸豐十年隨州儒學採訪現存孝子何定瀾萬之安胡家  
煥薛芝蘭詳請巡撫胡題 旌

此外刲股療疾未經請獎題 旌者不載